

Volapükaf lens Löfik !

Ün tim at. logedob ai lü gads ko blesir mödik. bi anu. cedü ob. gads binons udiküns. Flors e plans valasotiks jönükons spadi vü dom e süt. florabims stanons leidiko züo. - igo binons semikna plans e flors in bogs de domamöns it lagöls. Gad inon blesir gretik. no te pro gadidalaban it. abi pro alans. kels beigolons oni. fanö ! o gadilabans valik. kels dilodons jöni smalik at anu in floriup !

Ekö tikods anik de Cifal :- „Volapük pro ob no binon dalabot lölöfiko bik: binon loen. Äsä sapiko äsagom cifal <Johann Schmidt> „vilobs kälön üki at leigoso äsä kälöy vöno-Grikänapüki u vöno-Saxadapüki.“ Obs. kels gebobs atini lifiko. labobs fikuli somik. Ekö vöds profasorana <Terence Tunberg> nivera la <Kentucky> (Tats-Pebalöl) dö kolköm us okömöl :

leque praetermittendum est illud quod colloquia nostra ad Latinitas classicae et argenteae quae vocatur) normas grammaticas dirigentur. Nam maxime perspicua est Latinitatis classicae et argenteae syntaxis, ut videbimus omnes, et ad sermonem mirum in modum commodata. Ad vocabula scilicet et voces recentioris et recentissimae Latinitatis proprias onnumquam confugiendum est (aliquando, etsi multo rarius, vocabula prorsus novanda et ngenda). Fontes igitur sociis commendabuntur unde voces recentiores commode inveniant et rutuentur.

Obs no dalobs glömon. das pükam obsik pareigon fa noms latinik [= Volapükik] latädik [= ela Schleyer] e *silinik [= ela de Jong]. (Silinik binon Volapük rigik. e inifon largentik in Volapük nulädik. - Redakan). Ibä süntag püka klatädik e silinik binon vemo kleilik. äsä mens valik logons. e stunidiko lönedi ad pükam alasotik. Daloy semikna gebön vödis nulikum e nulikün [= se Vödabuk fa de ong. e liseds in Volapükagased pro Nedanapükans]. Nesuvo zesüdos mekön nula-ödis. Dalobs komandön [pro obs = pübön] soganes fonis kiöpaö okanons uvön e gebön vödis nulik.”

Valikosi Gudikün Oles ed Olikanes

Ralph

VI:42:99

LÄRNOD DEGFOLID - GÖD E. SOAR

Kitimo löädol - li kösömiko ?

Kikodo so gölo - li ?

Kitimo [u: Kiüpo] lükömol - li ini
bür olik ?

Lifädol - li deli lölik in zänod zifa ?

Kisi dunol - li dü soars ?

Vüo, kisi desinol - li ad dunön asoaro ?

No vilolöv - li golön kobü ob lü teatöp ?

Täno benovipob oli.

Dü tim liomödotik matols - li ?

Kösómo ze tü düp velid.

Bi mutob vegön me motoranibud.

Kösömiko za düp: zül.

Semikna: si ! semikna. [u: reto] nö !

Kösömiko blibobs in dom. Balna u telna
a vig golobs lü teatöp u lü bioskop.

Viloböv dunön nosi buikumo, ab adel
binon matikamadel obsik, e jimatän ed
ob kösömbos ad zelön oni kobo.

Dani mödik ! [u: Danö !]

Dü yels jöl.

LÄRNOD DEGLULID - IN LOTIDÖP

In zifs gretik valik lotidöps süperik dabinons. Kösómo kanoy tuvön lotidi, ab
if viloyöv fümön dö atos, pato dü vaken, binos gudikum ad koedön resärfön büo
cemi. Lotidöps e vemo magifiks e balugiks dabinons. Otuvoy in lotidöp lindifikö kinik
böti gudik. Nügölölo ini lotidöp, dugoloy vestibüli ad lükömön lä bür. Us begoy [u:
loatoy] cemis. Bötan oyufom oli pö blin päkema olik ed odugom oli lü cem olik.
Dünans lotidöpa oyufons oli, if no sevol zifi. Okonsälons ole tefü utos, kelosi sötoy
logön. Okoedons resärfön ole pladis [u seadöpis] in teatöp ed odunons valikosi mögik
ad plitükön ole stebi olik. If jimatän olik dugädoz oli, okanof muadön oki vemo
gudiko, dubä visitof selidöpis, du ol bejäfol dinis olik.

LÄRNOD DEGMÄLID - PÖ SUK LOTIDA

Deli gudik ! Labol - li cemi bal ko beds tel ? If no, cems tel, alik ko bed i binonsöv
gudiks.

Lotidöp tio fulon, ab logobsös ! Liolunüpiko ostebol - li is niludo ? [u: desinol - li ad
stebön is ?]

Nemu dü vig bal. Ba dü vigs tel [u: dü dels degfol/degul].

Täno kanobs givön oles cemis tel ko túbaban e lavatab su tead balid: nüms: 26 e 28.
Spelob, das cems binons nennoidiks.

In cems at siörs [u: läd e sól] kanons takädön löliko. Labons selogami äi gads.

Gudö ! osumob onis.

Vilols- li cemis ko fidäds ?

Nö ! buükobs onis nen fidäds, bi dels odabinons, ün kels omutobs fidön plödo.

Benüpenolsös registari at !

Logobsös: Famülanem; pösodanem; netät, topät (löddöp), motedöp, motedadät,
nemapenät. Atos binon valikos, no - li ?

Vemo gudiko, danö ! Is labols kikis. Dünan odugom olis lü cems olsik ed oblinom
löpio päkemi.

VI:43:99

KÄFIK

Hiel „*Isaak*” kõmom gäliküno se jul domio, ab no sagom vödi bal dö kod gäla okik.

Pos fid poszedelik, fat golom dönu lü voböþ ed el „*Isaak*” dugädom omi boso.

Gekömmöl lü mot, sagom ofe: „Mot, egetob adelo in jul noeti <legudik> e seadob nu su plad balid.”

„Pleidob dö ol. o son oba ! „mot gesagof, „Ekö moni äs bläfod. Ab kikodo no esagol atosi ven fat ebinom nog is ? Egälükolöv vemiküno omi !”

„Esagob osi ome du gol,” el „*Isaak*” gesagom, „ed egetob i de om moni !”



KODÜ FITAM

„Söl <*Olsok*,> fien oba, ebinol vemo drinamik. Lio ejenos - li ?”

„Bi egolob ini läned ad fitön: ai ven efanob fiti, edrinob konyaki nemödik se flad oba ad zelön jenoti at.”

„Efanol täno fitis lemödik ?”

„Leno: ab sötob i sagön ole, das ai ven no efanob fiti, edrinob boso ad trodön obi.”



JENAVATID

Jitidan: „Jenöfoti kion kanol-li sagön obe tefü mans famik seimik tumyela dejölid ?”

Tidäb: „Ya binons deadiks, o lädül !”

DÖKÜL NEJŌNIK (2)

Fa H. C. Andersen

„Lilolōs, o kompanan !” āsagons: „Binol so nejōnik, das lōfobs oli vemo ! Vilol-li flitōn ko obs e vedōn bōd votōpik ?” „Nilū is in lulak votik jigans sovadik binofs, kels binofs so svidiks e so jōniks, e valiks kanofs sagōn: <Rap !> Ba kanol binōn lābik us, bi binol so nejōnik !

<Pif! paf!> ātonos poso, e gans bofik āfaloms in ♣jogs, e vat āvedon redik ās blud, bi gans ābinoms nelifiks nu; <pif! paf!> ātonos dōnu, e kums gretik ganas āflitons se ♣jogs, e poso ājutoy dōnu. Yag gretik ājenon; yagans āseat-oms valōpo zū lulak, ans ibo āseatoms su bimaletuigs, kels ātenikons love ♣jogs; smok blōvik āfulūkon ♣zūamōpi; in ♣slām yagadogs ākōmons; <klatj ! klatj !> ♣jogs e ♣rids āvebons valōpo; ābinos lejek pro dōkūl miserabik; āflekom kapi oka ad getōn oti dis flitām, e nilū om dog legretik āstanon; lineg ālagon se mud omik, e logs ālulitons lejekiko; āpladon lumudi oka fo dōkūl - ājonon dōkūle tutis japik - e <plask !> āgegolon nen sumōn dōkūli.

„O, Gode dani !” dōkūl āseifom, „binob so nejōnik, das ibo dog no mōgon beitōn obi !”

E poso, āseatom lestiliko du ♣glōbs āflitons da ♣jogs, e du jūt ātonons ai. Poszedelo ābinos stilik, ab nimil miserabik no ādalon sustanōn; āstebedom nog dūpis mōdikum, tāno āspidom ad rōnōn se lulak ed ārōnom love fels e yebalāns; āvienos, sodas ābinos fikulik pro om ad fōfiokōmōn.

Ūn soar ālūkōmom lū ludomi pōfik e smalik; dōkūl ābinon so miserabik, das no ānolom, va āfalomōv atflanio u etflanio, e kludo no āfalom. Āvienos so, das dōkūl āmūtom pladōn oki su gōb ad no falōn; e vien āvedon badikum. Tāno ālogom dōkili; id ālogom, das yan ♣pilivon se ♣fleged ed ālagon so ♣slobiko, das ākanom kōmōn ini cemil da ♣slit, e so edunom osi.

Is motil bāldik ālōdof ko kat e jigok okiks; e kat ākanon ♣gobadōn bāki e spagōn, ven rōbon heris ona; jigok ālabof futis smalik e brefiks: ānōgof, e motil ālōf ofi ās cili oka.

Ūn gōd gōlik sūpo ālogoy dōkūli foginik, e kat āprimom ad ♣gobadōn bāki e jigok ālūvokof. Kisi ? ...” motil āsagof ed āzilogof, ab no ālogof gudiko, e kludo āniludof, das dōkūl gretik ābinom dōk pinādik, keli ipōlagolom.

VI:45:99

„Binos vo fan gudik !” äsagof, „nu okanobs getön dökanögis, if no binom hidök ! o, blufobs.”

E poso dökül päblufom ünü vigs kil, ab no änögom. E kat äbinom mastan in dom e jigok äbinof jimastan, ed äsagons ai: „Obs e vol !” bi äniludons, das äbinon lafadil e lafadil gudikün. Dökül äniludom, das ädaloy labön niludi votik, ab atosi jigok no ➤äsufof.

„Kanol - li nögön ?” äsäkof.

„No !”

„Benö ! takedolös kludo !”

E kat äsagom: „Kanol - li ➤gobadön bäki e spagön ?”

„No !”

„Benö ! kludo no mutol labön niludi, ven ➤siämöfans spikons !”

E dökül äseadom in cemagul ed äbinom vemo glumik; täno ämemom luti flifik e lunidi sola; älevipom vemo svimön su vat, ed atosi äsagom jigoke.

„Binol - li fopik ?” äsäkof. „Dunol nosi, kludo egetol ➤vimis ! Nögolös u spagolös, e täno ➤vims at onepubons.”

„Lesi ! ab svimön su vat binos so plitik !” dökül äsagom, „getön vati love kap e binön dis vat i binos so plitik !”

„Binos - li blesir so gretik !” jigok äsagof, „binol fopik ! Säkolös kati, binom ➤visedikün, keli sevob; no löfom ad svimön su vat u binön dis vat ! ed ob ? - Kanol igo säkön jimastani obsik, voml baldik; nek in vol lölik binon ➤visedikum, ka of ! Niludol - li, das löfof svimön u binön dis vat - ”

„No kanols suemön obi !” dökül äsagom.

„If obs no kanobs suemön oli, nek okanon suemön oli ! Niludol - li, das binol ➤visedikum ka kat e vom, e ka ob - ! No ➤simulolös oli, o flen obik ! e danolös Godi ola pro valikos, kelosi edunoy pro ol ! Binol in cemil vamik e labol

VI:46:99

─sogi, de kel okanol lärnön, ab binol luspikan, e no binos plitik kosädön ko ol !
Kanol kredön obi ! Vipob ole valikosi, kel binos gudik, sagob ole dinis, kelis
no nedol demön, ab dub atos sevoy flenis oka ! nu nögolös e lärnölös ad spagön !”

„Kredob, das omotevob in vol gretik !” dökül äsagom.

„Benö ! dunolös so !” jigok äsagof.

E poso, dökül ämogolom, äšvimom su vat, äbinom dis vat, ab nims
valik älogedons omi ko ─naud demü nejön omik.

Nu fluküp äprimon, bleds bimas in fot ävedons yelovik e bloniks; vien
ämosumon onis so, das äfalons sui glun, e lut äbinon so koldik e dagik; lefogs
ninädons gräli e nifi, e su buid ästanom rab, <ra ! ra!> luvoköl demü kold; „kanos
flodön vemo,” ätikom: dökül ─miserabik no ästadom gudiko !

Ün soar seimik, sol ämodonikon so jöniko, kum bödas gretik e lejönik
äkömon se fotil, dökül neai ilogom bödis so jönikis; äbinons levietiks ed älabons
särvigis lunik e blegikis; äbinons svans; ämekons tonodi nekösömik, e se-
tenons flitämis lejönik e lunikis okas ed ämoflitons de läns koldik lü läns vamikum;
äflitons so geiliko, das dökül nejönik ti ävedom glötik; äflekon oki in vat,
ätenom särvigi oka ed ämekom tonodi so dudranöli e bisariki, das ävedom dredik.
O, no äkanom glömön bödis at, bödis läbik at, e ven no plu äkanom logön onis,
äšvimom dis vat, e ven ägekömom sui sürfat, äbinom vemo kofudik.

(Dil lätikün ün mul okömöl).

VÖDS TEFIK

FLEGED	a hinge	SIÄMÖFAN - a sensible person
GOBADÖN	to arch (cat's back)	SIMULÖN (OKI) - to kid (o.s.)
GLÖB	a bullet	SLÄM - mud
GLÖTIK	jealous	
JOG	a bullrush	SLIT - a slit, an opening
KOSÄDÖN (KO)	to get on (with)	SLOBIKO - loosely
LIVÖN	to be loose	SOG - company (social)
MISERABIK	wretched	SUFÖN - to tolerate
NAUD	disgust	VIM - a whim, a fancy
PINÄDIK	fat	VISEDIK - canny, wise
RID	a reed	ZÜAMÖP - (the) surroundings

VI:47:99

➤NAMAPLĀG

Ās pro notods sanavik mōdik, <➤namaplāg> dekomon de pūks ➤klatādik. Davedon de vōds Grikānik: χείρο (= nam) e πρακτοσ (= gebōn), e sinifon vōdiko: „me nam pedunōl” u „➤tolatōn.”

Ab <➤namaplāg,> cal ➤ledinik ➤sanakālik gretikūn vola vesūdik pos sanav e tutisanav, binon vemo plu ka ➤tolat balugik. Jenōfo <➤namaplāg> kazeton ➤neleti e <➤nomūkami.> Ma misaun, keli lekāloy, u bal, u ans metodas difik ➤nomūkik ➤namaplāga kanons pagebōn.

Me ats, ➤namaplāgan skilikūn ➤pedafomōl ➤davedūkom menodi balugiko ➤lificinik ad mōgūkōn mufi nomik. Kōtet neai pagebon e ➤drogs selediko ➤pabūdūlons.

<➤Namaplāg> labon ➤stabi mu balugiki; kop binon cin. Dalabon nāmāfonis, ➤kabemi, leūlami, e r - ab leigo ās cins valik, i dalabon ➤binodi cinādik. ➤Binod cinādik et, labū bākabom as stūt cifik, i nevasitodi veūt-ikūn dido polōli, kanon dāmikōn, mifomōn u ➤tirādikōn. If so, sek binon dol japik u nejapik, no te in bāk, abi suvo in sārvig, jots, brads u lōgs.

Utans, kels kanons ➤frutidōn namaplāgi stāānikons de cils jū bāldikans; de spotans jū ➤jigrodans.


VŌDS TEFIK

BINOD	a structure	NAMAPLĀG	chiropractic
BŪDŪLŌN	to prescribe	NAMAPLĀGAN	a chiropractor
DAVEDŪKŌN	to bring about, to effect	NELET	prevention
DROG	a drug	NOMŪKAM	adjustment
FRUTIDŌN	to benefit from	PEDAFOMŌL	trained
JIGRODAN	a pregnant woman	SANAKĀL	health care
KABEM	wiring	STAB	a basis
KLATĀDIK	classical	TIRĀDIKŌN	to become irritated
LEDINIK	principal	TOLATŌN	to manipulate
LIFICINIK	bio-mechanical		



VŌDS SAPIK


Lons kōmons de mans, sūds gudik de voms.



VI:48:99

KAPOVÛL SÄRÄTÛKON

SIRKÛL MAGIVIK



NÛMS DEFÖL

1. $44 (2 + 2; 4 \times 2; 8 + 2; 10 \times 2; 20 + 2; 22 \times 2 = 44);$
2. $4 (4 - 4; 0 + 5; 5 - 4; 1 + 5; 6 - 4; 2 + 5; 7 - 4; 3 + 5; 8 - 4 = 4);$
3. $23 (2 \times 2; 4 + 1; 5 \times 2; 10 + 1; 11 \times 2; 22 + 1 = 23);$
4. $17 (3 \times 2; 6 - 1; 5 \times 2; 10 - 1; 9 \times 2; 18 - 1 = 17);$
5. $26 (3 + 2; 5 \times 2; 10 + 2; 12 \times 2; 24 + 2 = 26);$

LOVEGOLARÄT

Lovegol balid: Man lüvom lupi ko sakäd grena e sumom jigoki love flumed.
Lovegol telid: Lüvom jigoki e gekômom soaliko;
Lovegol kilid: Sumom sakädi grena e lüvom lupi;
Lovegol folid: Gekômom ko jigoki;
Lovegol lulid: Sumom lupi. ab lüvom jigoki;
Lovegol mälid: Gekômom soaliko;
Lovegol velid: Sumom jigoki.

E KAPOVÛL RÄTÛKON OBIS DÖNU

KOBOYÛM LEKTINIK

Folliens degtel sököl magons domis. kelis buman mutom yümön lektinadugiane. Ad spälön moni. koboyümom domis me kab brefikün. Kin binon kab - li. kel kanon koboyümön domis valik ? Kab kanon primön in dom seimik.

